



Bentiarq Ottosen,
Inatsisartuni ilaasortaq, Atassut
/MAANI

§ 37 naapertorlugu apeqqummut nr. 236/2024-mut akissuteqaat

Ulloq: 03-12-2024
Suliap normua: 2024 - 22514
All. nr. 24806546

Inatsisartut suleriaasianni § 37, imm. 1 malillugu inuussutissalerinermut uumasullu nakorsaqaqarneranut tunngasunut suliassaqaqfiup tiguneqarnissaa pillugu Naalakkersuisunut apeqquteqarsimavutit. Apeqqut suliassaqaqfigisannit akineqartussanngorlugu innersuunneqarpoq.

Postboks 269
3900 Nuuk
Oqarasuaat (+299) 34 50 00
Fax (+299) 34 63 55
E-maili: apn@nanoq.gl
www.naalakkersuisut.gl

Apeqqutit

1. Inuussutissalerinermut uumasullu nakorsaqaqarneranut tunngasunut suliassaqaqfiup tamakkiisumik tiguneqarnissaa pillugu suliaq sumut killippa?

Akissut:

Killiffik tassaavoq, nalunaarusiamut suliassaqaqfiup tiginissaanut suliamik erseqqissaasumik, tassunga ilanngullugu suliassaqaqfiup iluatsittumik tiguneqarnissaanut qitiusumik tunngaviusunut Naalakkersuisut qanittukkut isummernissaat. Suliniutit allat akissummi matumani itisilernerqarput.

Apeqqutit

1a: Suliaq Naalakkersuisut suliarivaat?

Akissut:

Aap, Naalakkersuisut suliaq suliarivaat – takuuk apeqqut 1.

Apeqqutit

2. Suliassaqaqfiup tamakkiisumik tiginissaanut Naalakkersuisut piareersimappat?

Akissut:

Naalakkersuisut inuussutissalerinermut uumasullu nakorsaqaqarneranut tunngasunut suliassaqaqfiup tiguneqarnissaa pillugu suli isumminngillat.

Massakkut suliassaqaqfimmil tassani suliassat Kalaallit Nunaannit Danmarkimillu avillugit suliarineqartarput. Inuussutissalerinermut tunngatillugu nunatsinni namminermit tuniniarneqartussanik nioqqutissiorneq massakkut nunatsinnit oqartussaaffigineqarpoq, tassa imaappoq nunatsinni namminermit tuniniarneqartartussanik nioqqutissiornermit maleruagassat atuutsinneqarneri 1998-imilli nammineq aalajangersaaffigisinnaalernikuuagut. Tassa ullumikkut Naalakkersuisut aalisakkanik, piniakkanik il.il. nunatsinni tuniniarneqarsinnaasut pillugit malittarisasssiortarput.

Danmarkip nunanut allanut nioqqutissiarineqartartut oqartussaaffigai ilaatigullu nunat tunitsivigineqartartut niuernikkut isumaqatigiissuteqaqfigineqarnissaat kiisalu

nioqqutissianik Kalaallit Nunaaneersunik eqqussuinermit EU-mi maleruagassat malinneqartarnissaat isumagisarlugu. Tamatuma saniatigut suliassaqarfik taanna massakkut Danmarkimi Inuussutissalerinermut Aqutsisoqarfimmit isumagineqartartoq uumasut peqqissuunissaat, uumasut nakorsarneqartarnerat uumasullu nakorsarneqartarneri eqqarsaatigalugit allanik pisussaaffitaqarpoq.

Nunarput eqqarsaatigalugu suliassaqarfik taanna pingaaruteqarpoq, aalisakkanimmi aalisakkanillu tunisassianik avammut nioqquteqartarnitsinnut taanna tunngaviummat. Inuussutissalerinermut uumasullu nakorsaqarneranut tunngasunut suliassaqarfik tamaat tiguneqassappat, tamatuma tiguneqannginnerani nunatsinni isumalluutitigut piginnaasatigullu pisariaqartinneqartut pigineqalernissaat pisariaqarpoq.

Uumasut nakorsaqarnerannut inuussutissalerinermullu suliassaqarfiup iluatsittumik tiguneqarnissaa qulakkeerniarlugu Naalackersuisut piffissaq ungasinnerusoq eqqarsaatigalugu Ilinniartitaanermut Naalackersuisoqarfimmik qanimut suleqateqarlutik ilinniartitaanermi periusissiasamik suliqaarnissaat pingaaruteqarpoq.

Apeqqutit

2a. Taamaassimangippat suliassaqarfimmi tigusinissaq sularineqarnissaa ingerlannissaa pingaartippaat?

Akissut:

Akissutit ataaniittut takukkit.

Apeqqut 3. Naalackersuisut allannguutissatut siunnersuutertik akuerineqareemat UPA2019 imm. 132 pillugu suliaq unitsiinnarsimanerpaat?

Akissut:

Akissummi matumani takuneqarsinnaasut uumasut nakorsaqarnerannut inuussutissalerinermullu suliassaqarfimmik tigusinissamik suliqaarneq Naalackersuisunit unitsinneqarnikuunngilaq. Uumasut nakorsaqarnerannut inuussutissalerinermullu tunngatillugit suliassaqarfik oqaatigineqareersutut arlalinnik pingaarutilinnik immikkoortortaqarpoq, Naalackersuisullu suliqaarneranni taamaammat immikkoortortat taakku illersorneqarsinnaasumik tiguneqarnissaat eqqarsaatigalugu erseqqissunik pitsaasunillu atugassaqartitsisoqarnissaa ukkatarineqarpoq.

Apeqqut 4. Naalackersuisut saaffiginnissuteqarpat Naalagaaffiup oqartussaasuinut suliamut tunngatillugu?

Akissut:

Suliassaqarfimmik tigusinissamut atatillugu naalackersuisoqarfiit suliqaarnerannut atatillugu Naalackersuisut siunnersortimut danskiusumut suliamik ilisimasaqartumik attaveqartarsimapput. Tamatuma saniatigut Naalackersuisut suliassaqarfimmik tigusinissaq pillugu politikikkut kissaateqartoqarneranik arlaleriarlutik danskit oqartussaasuinut ministeriinullu oqaaseqartarsimapput, danskillu tungaanniit erseqqissumik oqaatigineqartarsimalluni suliamut peqataanissamut Danmarkimit piareersimasoqartoq. Suliamik siuarsaanissamik taamatut piumassuseqartoqarnera ilaatigut nunatsinni allaffimmik ammaanissaq pillugu siuliani allaaserineqartumi takuneqarsinnaavoq.

Inussiarnersumik inuulluaqqusillunga

Kim Kielsen
Aalisarnermut Piniarnermullu Naalakkersuisoq